



1. februar 2011

Inatsisartut suleriaasianni § 37 naapertorlugu Naalakkersuisunut apeqqudit imaattut matumuuna saqqummiuppara:

Naalakkersuisunut apeqqud:

Meeqqat atuartut ersinngitsumik innarluutillit, soorlu ADHD-mik nappaatillit, illoqarfinni nunaqarfinnilu atuarnermiinnit atuareernerullu kingorna qanoq atugassaqartitaanersut Naalakkersuisunit malinnaaffigineqarpat?

(Inatsisartuni ilaasorta, Karl Lyberth Siumut)

Tunngavilersuut:

Nunatsinni meeqqat ikittuunngitsut tarnimikkut ersinngitsumik innarluuteqartuusut innuttaasut amerlanerpaartaasa nalunngilaat, ilisimanngisarpulli tassaavoq meeqqat taakkua pineqartut illoqarfinni nunaqarfinnilu assigiinngitsuni qanoq atugassaqartitaanersut. Aammalu sinerissami meeqqanut taakkununga atugassarititaasut qanoq assigiinngitsiginersut. Qanoq atuartinneqartarpat atuareernerisalu kingorna qanoq paaqqutarineqartarpat?

Ilisimaarivara innarluutilinnut sullissineq kommuninit tiguneqarnikuusoq, taamaakkaluartorli isumaqarpunga pingaaruteqarluinnartuusooq innuttaasut taakkua inuunermiinnit qanoq atugassaqartitaanerat pillugu Namminersorlutik Oqartussat tamatigut malinnaaniartuarnissaat.